

ՍԻՍԱՎԱՆԻ ՏԱՃԱՐԸ

Ս. Խ. ՄՆԱՑԱԿԱՆՅԱՆ

Հայ դասական ճարտարապետությունից թիշ կոթողներ են պահպանվել: էլ ավելի թիշ է այն հուշարձանների թիվը, որոնք մեզ են հասել կանգուն վիճակում, առանց էական վերափոխումների: Անգնահատելի է այս կարգի կառուցվածքների արժեքը—նրանք կարծես յուրահատուկ ուղենիշներ լինեն հայ ճարտարապետության զարգացման ամբողջ ճանապարհին, հենակետեր, որոնցից ելնելով հնարավոր է պարզել ճարտարապետական արվեստի մի շարք դեռևս չլուսաբանված կարևոր հարցեր: Նման եզակի հուշարձանների թվին է պատկանում գեոևս համարյա թե շուտամնասիրված Սիսավանի տաճարը, որի բարձրաքանդակները պատկանում են միջնադարյան քանդակագործական արվեստի նշանավոր գործերի թվին:

Սիսավանի շրջանային կենտրոնի հյուսիսային կողմում բարձրացող բլրալանջի վրա վեր է խոյանում սեաթույր տուֆից կառուցված տաճարը: Մատենագրական շատ կցկտուր տեղեկություններ են հասել մեզ այդ կառուցվածքի մասին. դրանցից հնագույնը պատկանում է Ստեփանոս Սրբելյանի գրչին: Անվանելով հուշարձանը «Սիւնի վապ», նա գրում է. «Եկեղեցին չբնադ և նորակերտ ձևով կանգնեալ գմբէթայարկ խորան երկնաման, ի մեծ բարեպաշտուհոյն Վարագրիտոյ՝ Սիւնեաց տիկնոջէ յառաջ քան զհայ թուականն, յանուն սրբոյ Հուսաւորչին եւ տուաչե վանացն ի մէջ քաղցրահայեաց մելղանին ոնեն իշխանքն տուն արքունի և ապարանք իշխանանիստ...»¹: Եկեղեցու վրա պահպանված մի շաւք, անշուշտ VII դարին պատկանող, արձանագրություններից և ոչ մեկում չի հիշատակվում կառուցման թվականը, և պարզ է դառնում միայն, որ այն նվիրված է եղել Գրիգոր Հուսավորչին:

Թեև հուշարձանը հայտնի է եղել գրականության մեջ վաղ ժամանակներից, սակայն ուսումնասիրողների մոտ չկա միահամուռ կարծիք նրա թվագրության մասին: Որոշ հեղինակներ, առանց որևէ փաստական նյութի վրա հենվելու, այն հասցնում են VI դար, մյուսները տաճարի թվագրման հարցը թողնում են անորոշ, նշելով, թե այն կարող է կառուցված լինել VI—VII դարերում⁴. Իսկ մի խումբ հեղինակներ էլ թվագրում են VII դարով⁵: Ըստ Ն. Տոկարսկու, տաճարի ներքևի մասերը կառուցվել են նախքան արարական արշավանքները, իսկ վերին մասերը՝ VII դարի երկրորդ կեսին⁶:

Ըստ իր հատակագծային հորինվածքի, Սիսավանի տաճարը մի քառաբսիզ կառուցվածք է, վերցված արտաքին պատերով կազմված ուղղանկյուն եզրագծի մեջ: Նրա լայնությունը (հյուսիսից-հարավ) հավասար է 12,25 մետրի, իսկ երկարությունը (արևելքից-արևմուտք)՝ 16,20 մետրի: Ճարտարապետական մտահղացման հիմնական ելակետն է գմբեթակիր քառակուսին, որի շուրջ հիմնական առանցքներով էլ տեղավորված են բավականին մեծ հենախորշեր, որոնք փաստորեն հավասար են միմյանց—կան սանտիմետրերի տարբերություններ միայն: Արևելք-արևմուտք ուղղությամբ արսիղների և գմբեթակիր քառակուսու միջև տեղավորված են բավականին լայն, ուղղանկյուն թաղածածկ լիմենտներ (շեմաներ), որոնք և ստեղծում են տաճարի ձգվածությունը այդ հիմնական ուղղությամբ:

¹ Ստեփանոս Սրբելյան, Պատմութիւն նահանգին Սիսական, Թիֆլիս, 1911, էջ 338:

² Ղ. Ալիշան, Սիսական, Վենետիկ, 1893, էջ 213: Ե. Լալայան, Սիսիան, «Ազգագրական հանդես», № 1, 1898, էջ 188:

³ Թ. Հակոբյան, Հայաստանի պատմական աշխարհագրություն, պրակ 2-րդ, Երևան, 1959, էջ 137:

⁴ А. Л. Якобсон, Очерк истории зодчества Армениии V—XVII вв., Москва—Ленинград, 1950, էջ 22:

⁵ В. М. Арутюнян, С. А. Сафарян, Памятники армянского зодчества, Москва, 1951, էջ 12: А. Б. Еремян, Храм Рипсиме, Ереван, 1956, էջ 102:

⁶ Н. М. Токаревский, Архитектура Армениии IV—XIV вв., Ереван, 1962, էջ 127:

Ընդհանուր հորինվածքի ոչ պակաս կարևոր մասն են կազմում անկյունային շորս սենյակները, ղեպի ուր կարելի է անցնել զմրեթակիր քառակուսու անկյուններում տեղավորված և շրջանաձև հատակագիծ ունեցող հենախորշերի միջով: Վերջիններիս մեջ էլ արված են հատուկ բացվածքներ, որոնք և տանում են ղեպի արևելյան ու արևմտյան կողմերում դասավորված սենյակները: Այդ սենյակները քառակուսի են և նրանցից արևելյանները ունեն կանոնավոր, յայն արսիղներ:



Սիսավանի տաճարի ընդհանուր տեսքը հարավից


Այս տիպի հնագույն կառուցվածքում՝ Ավանի տաճարում (590—609) նման արսիղներ չկան: Սակայն արդեն Արամուսի եկեղեցում կարելի է տեսնել մի փոքրիկ արսիղ, արված արևելյան պատի հաստության մեջ: Այդ արսիղները ավելի նորմալ դասավորություն ունեն Հոփսիմեի տաճարում (618). Սիսավանում նրանք արդեն ստացել են զգալի չափեր, ու հար և նման են նույն դարում հայտնի ձևերին (Պտղնի, Բալին, Արուճ): Արևմտյան սենյակները ճիշտ քառակուսի են, և շունեն ղեպի դուրս տանող բացվածքները, որոնք առկա են ավելի վաղ կառուցված իուշարձաններում (Ավան, Հոփսիմե, Գառնահովիտ): Տաճարը տանող հիմնական մուտքերը դասավորված են հարավային և արևմտյան կողմերում, ընդ որում երկու մուտքերն էլ մեղ են հասել խիստ վերակառուցված դրոթյամբ: Այսպես, արևմտյան մուտքը վերափոխված է ամրոց-ջությամբ և հին որմածքից այնտեղ ոչինչ չի պահպանվել: Հարավային մուտքից վերակառուցվել է արտաքին երեսապատումը միայն և հնագույն շրամուտքը փոխարինվել է XIX դարում ավելացված երեսակալով: Տաճարը լուսավորվում է յուրաքանչյուր արսիղում բացվող երեսական լուսամուտների միջոցով: Բացի այդ, երկուական լուսամուտներ ունեն նաև ավանդատները: Լուսամուտների նման առատությունը զգալիորեն տարրերում է այս կառուցվածքը նույնատիպ այլ իուշարձաններից: Այսպես, Ավանի տաճարի արսիղներում տեղավորված են մեկական լուսամուտներ միայն և նրանց քանակության ավելացման առաջին փորձերը տեսնում ենք Հոփսիմեում, որտեղ եռանկյունաձև խորշերի առկայությունը հնարավորություն է տվել երեք լուսամուտ բացել տաճարի արևելյան արսիղում:

Պաշտամունքային կառուցվածքների առատ լուսավորությունը յուրահատուկ էր V II դարի հուշարձաններին ընդհանրապես և նույն դարի երկրորդ կեսում կառուցված տաճարներին՝ մասնավորապես (Թալին, Արուս)։ Նշանակալից շափեր ունեցող տաճարները առատ լույս էին ստանում նաև վերևից, որտեղ սովորաբար 12 նիստ ունեցող թմբուկների յուրաքանչյուր նիստում բացվում էր մեկ, բավականին մեծ լուսամուտ։ Այս տեսակետից ևս Սիսավանի տաճարը զղայիորեն տարբերվում է նույն դարի հանրահայտ լուծումներից։ Բանն այն է, որ այստեղ թմբուկը 12 նիստ ունի միայն արտաքինից, իսկ ներսից նիստերի թիվը հասնում է ընդամենը ութի։ Ահա մի լական հանգամանք, որը պայմանավորված էր մաքուր տրոմպային փոխանցման առկայությամբ։ Այստեղ զժվար չէ տեսնել, որ նման պայմաններում լուսամուտներ կարող էին տեղավորվել զլխավոր առանցքների ուղղությամբ միայն և նրանց թանակը, այսպիսով, չէր կարող շրջից ավելին լինել։ Թվում է, որ հենց այս հանգամանքն է ստիպել այնքան խիստ կերպով ավելացնել լուսամուտների թանակությունը տաճարի առաջին յարուսում և, բացի առանցքային դասավորություն ունեցող լուսամուտներից, յուրաքանչյուր արսիդում բացել երկու լուսամուտ ևս, որոնք դուրս են գալիս կառուցվածքի ճակատները ձևավորող հռանկյուն, լայնանիստ խորշերում։

Ինչպես և նույնատիպ այլ կառուցվածքներում, այդ եռունկյունաձև խորշերը ունեն խիստ լական կոնստրուկտիվ նշանակություն և, բացի այդ, հանդիսանում են արտաքին ճակատների ձևավորման հիմնական աբրերը։ Տաճարի ներքին հորինվածքի տուգնել կարևոր հանգույցներից են անկյունային շրջանաձև հենախորշերը և

նրանցից վեր բարձրացող տրոմպները, որոնք և ստեղծում են ութանիստ թմբուկի անհրաժեշտ հենարանը։ Չորս արսիդների և անկյունային հենախորշերի միջև տեղավորված պատերի հատվածները մշակված են որպես ութ հզոր մույթեր, որոնց վրա էլ հենվում են և՛ զմբեթակիր կամարները, և՛ տրոմպները։ Ինչպես այս տիպի այլ հուշարձաններում, անկյունային շրջանաձև հենախորշերը դասավորված են ոչ ճիշտ անկյունագծային ուղղություններով, այլ որոշ չափով շեղված են դեպի արևելք և արևմուտք։ Նրանց նման դասավորությունը բացատրվում է արևելյան և արևմտյան արսիդների առջև ուղղանկյուն թաղածածկ հատվածների ավելացումով, հանգամանք, որը և բերել է զմբեթակիր կամարների ավելի մեծ թռիչքին՝ նշված ուղղություններում։ Սակայն նման շեղումը, որը անխուսափելի էր ներքևում, չէր կարող թույլատրվել վերևում, տրոմպների հարթության վրա։ Հակառակ դեպքում զմբեթը կրող տրոմպները ևս կունենային շեղակի դասավորություն, որն իր հերթին կհանգեցներ թմբուկի նիստերի անհավասարությանը, և հնարավոր չէր լինի նման եզրաձևի վրա տեղավորել ճիշտ շրջագծային կիսասփերան։ Այդ է պատճառը, որ ճարտարապետը վերևում ուղղում է այս շեղակի դասավորությունը և տրոմպների ճակատային կամարները դասավորում զմբեթակիր թառակուսու անկյունագծերին ճիշտ ուղղահայաց։

Իժվար չէ տեսնել, որ ինչպես Սիսավանում, այնպես էլ նույնատիպ այլ հուշարձաններում, անկյունային փոխանցումների ձևերը սերտորեն կապված են զմբեթակիր թառակուսու անկյուններում տեղավորված շրջանաձև հենախորշերի ձևերի հետ։ Ամենից առաջ անհրաժեշտ է քննարկել այս անկյունային, այլ շրջանաձև հենախորշերի առաջացման նախադրյալները— ինչի համար են նրանք և ինչու նրանց շենք հանդիպում այլ հորինվածք ունեցող հուշարձաններում։ Իհուս Ը. Ստրիգովսկին իրավացի կերպով նշում էր Մաստարայի տիպի կառուցվածքների նշանակությունը Հռիփսիմեի տիպի հուշարձանների կազմավորման հարցում, նշում վերջիններիս անկյունային հենախորշերի առաջացումը որպես Մաստարայի տիպի կառուցվածքների անկյունային ուղղանկյուն մասերը ամրացնելու հետևանքով առաջացած հորինվածք։ Այդ դրույթը բաժանում



Սիսավանի տաճարը հատակագիծը

են նաև այլ ուսումնասիրողներ, Սակայն թեև նման մոտեցումը սկզբունքային առարկություններ չի առաջացնում, բայց և այնպես չի էլ բացատրում հատկապես շրջանաձև հենախորշի մշակման անհրաժեշտությունը: Չէ որ Մաստարայից հետո կառուցված Արթիկի մեծ տաճարում առկա են անկյունային մասերը զգալիորեն ուժեղանող 3/4 որթխաչուները, որոնց վրա են նստում տրոմպ-ները հիմքերը:

Մեր կտրծիքով, Հոփսիմեի տաճարի տիպի կառուցվածքներում 3/4 շրջանաձև անկյունային ենախորշերի առաջացումը պետք է կապել ոչ թե Մաստարայի տիպի հորինվածքների անկյունային մասերը առհասարակ ուժեղացնելու ձգտման, այլ նույն այդ տիպի հուշարձաններում անխուսափելիորեն ստացվող խիստ մեծ թոփշք և անհամեմատ բարդ լուծում պահանջող տրոմպներից լրածարվելու ցանկության հետ: Այդ տրոմպների կառուցումը կապված էր մեծ դվարությունների հետ և պահանջվում էր արտակարգ մեծ վարակետություն՝ նրանց երկածից, շեղագիր թարերը արելու համար, ընդ որում. մի շնչին շեղումն արդեն կարող էր վտանգի տակ դնել ամբողջ կառուցվածքը:

Մինչդեռ տրոմպի փոխարինումը սովորական գմբեթարդով կվերացներ բոլոր դժվարությունները և այս՝ այնքան պատասխանատու հանգույցը կծածկվեր միանգամայն հուսալի և վարպետներին շատ լավ հայտնի գմբեթարդային եղանակով: Տարբեր հուշարձաններում այդ հանգույցները լուծված են տարբեր ձևերով: Ավանում օգտագործված են Մաստարայի աստիճանաձև դասավորություն ունեցող կամարները, ընդ որում. համարյա թե նույնությամբ կրկնվում են նաև պահուսակների ձևերը: Սակայն Մաստարայում փոխանցման հետագա աստիճանները ամբողջապես մշակված են տրոմպային ձևերի հիման վրա: Այստեղ առկա է կամարների և առաքաստային փոխանցման տարրերի միահյուսումը—մի ձև, որը և ստեղծում է գմբեթի թմբուկի անհրաժեշտ հիմնատակը: Հոփսիմեում արդեն առկա է հատած կոնի սկզբունքով կազմավորված հովհարաձև տրոմպը, որի կողային մասերում նույնպես օգտագործված են առաքաստային փոխանցման տարրեր: Սիսավանում թեև պահպանված է այդ հիմնական ձևը, սակայն առաքաստային փոխանցումը բնավ չկա և ամեն ինչ լուծված է պարզ տրոմպային փոխանցումների հիման վրա: Այստեղ եռաստիճան զլխավոր տրոմպների վրա անմիջապես հենվում է ներսից ութանիստ թմբուկի քաթը պատը, ընդ որում, անկյունագծային դասավորություն ունեցող այդ պատի վրա չկա և ոչ մի բացվածք, ոչ մի լուսամուտ: Թմբուկի լայնվածքները դասավորված են հարևան նիստերի կենտրոններում, և այսախոսով բավականին մեծ տրամագիծ ունեցող գմբեթը լուսավորվում է ընդամենը չորս լուսամուտի միջոցով, անմիջականորեն կապված ներքին կոնստրուկտիվ լուծման և թմբուկի արտաքին եզրաձևի հետ:

Ներքին ութանիստ թմբուկի նիստերի հատման վերին անկյուններում տեղավորված են ութ՝ մեկ թարի մեջ փորված փոքրիկ տրոմպներ, որոնք և ստեղծում են գմբեթի կիսասֆերայի 16 անկյուն ունեցող բազմանիստ հենարանը:

Տաճարի նախնական գմբեթից մեզ են հասել ներքին հինգ շարքերը միայն: Վերին շարքերը, ինչպես և ծածկերն առհասարակ, ավելացվեցին Հայկական ՍՍՄԽ Մինիստրների սովետի շինարարության գործերի պետական կոմիտեի հուշարձանների պահպանության բաժնի կողմից 1959—1960 թթ. ընթացքում: Տաճարի ինտերյերը մշակված է պարզ ու հստակ ձևերով, և խաղողի սղկույզներով ու տերևներով մշակված իմպոստային խոյակներն են միայն, որ ձևավորում են դեպի վեր ձգվող սրմնամույթները: Դժվար չէ տեսնել, որ զլխավորը, հիմնականը այստեղ ներքին տարածությունների մշակումն է, երբ ի մի են խմբավորված կենտրոնական գմբեթակիր տարածությունը, տրոմպային փոխանցումների լայն գոտին և վերասյաց համաչափություններ ունեցող գմբեթը, իր ութանիստ թմբուկով և ամբողջ հորինվածքը պսակող գմբեթի կիսասֆերայով: Տաճարի արտաքին ծավալային ձևերը լուծված են մինչ այդ արդեն լավ հայտնի սիստեմաների հիման վրա, և ճակատների մշակման հիմնական տարրերն են եռանկյունաձև հատակագիծ ունեցող, ուժեղ, վերասյաց խորշերը: Ինչպես և այդ տիպի այլ հուշարձաններում, անկյունային սենյակներին համապատասխանող հատվածները անհամեմատ ավելի ցածր են և խաչաթևերի հատման վայրում տեղավորված է ոչ շատ բարձր գմբեթակիր ծառակուսին: Վերջինիս վրա էլ բարձրանում է 12 նիստ ունեցող թմբուկի ծավալը, մշակված բավականին սլացիկ համաչափություններ ունեցող կամարաշարքով: Դժբախտաբար տաճարի ներքին մասերը ժամանակին ենթարկվել են զգալի վերափոխումների: Ղ. Ալիշանի կողմից հրատարակված զրանկարից պարզ է դառնում. թե ինչ ցավալի գրություն էր հասել տաճարը և ինչքան մեծ էին նրա վնասվածքները⁷, XIX դարի վերջում կատարված անշնորհք վերակառուցումները էլ ավելի աղճատեցին

⁷ Ղ. Ալիշան, Սիսական, էջ 213:

տաճարի սկզբնական ճարտարապետական ձևերը և նրանց մի մասը հնարավոր եղավ վերականգնել 1959—1960 թթ. կատարված աշխատանքների ժամանակ: Սակայն պետք է ասել, որ առանձին մասերը այնպես էլ մնացին իրենց ներկա դրությամբ և պարզապես հնարավոր չէր վերականգնել սկզբնական դրությունը:


Ուսումնասիրությունը ցույց է տալիս, որ առավել շատ էր տուժել տաճարի արևմտյան պատը այստեղ ամբողջապես վերակառուցվել էր արսիդի կենտրոնական մասը, ներառյալ մուտքը և լուսամուտները: Նոր որմածքը հասնում է մինչև զմրեթակիր կամարների իմպոստային խոյակները, ընդ որում, ամենայն հավանականությամբ վերափոխվել են նաև վերջիններս՝ սրանք այժմ հարթ են, առանց դեկորատիվ ձևերի, մինչդեռ մյուս բոլոր կամարների իմպոստները մշակված են հիանալի ոլորադարձ խոյակներով: Կողալին լուսամուտներից, որոնք ժամանակին բացվում էին եռանկյունաձև խորշերի մեջ, պահպանվել են միայն ներսի եզրագծերը: Նոր որմածքը արտաքին ճակատում հասնում է մինչև խորշերը պսակող զոտին, իսկ հորիզոնական ուղղությամբ բռնում է խորշերի միջև ընկած ամբողջ տարածությունը, հյուսիսային կողմում շարունակվելով մինչև տաճարի հյուսիս-արևմտյան անկյունը:

Հյուսիսային ճակատում փակված են բոլոր երեք լուսամուտները: Ընդամենը, դատելով շարվածքից, նրանք փակվել են բավականին վաղ ժամանակներում: Շարվային ճակատում առաջարտ է մնացել միայն կենտրոնական լուսամուտը, արսիդի կողային լուսամուտները, ինչպես և ավանդատների լուսամուտները փակված են ամբողջապես: Այստեղ լիովին վերակառուցվել է նաև շքամուտքը: Արևելյան ճակատում արսիդի լուսամուտներից պահպանվել է միայն մեկը, կողային լուսամուտները փակված են:

Եվ շնայած այս ամենին, տաճարի ընդհանուր կերպարը, նրա ծավալային հորինվածքը մեղ է հասել առանց կական աղճատումների, եթե չհաշվենք կղմինդրյա ծածկի բացակայությունը, որն այնքան յուրահատուկ էր VII դարի տաճարներին: Տաճարի առաջարտ ձևով մեզ հասած տարրերից է նաև թմբուկը, իր այնքան ուշագրավ ձևերով հանդերձ: Նշվեց վերը, որ այն ներսից ունի 8, իսկ դրսից՝ 12 նիստ, ընդ որում, համընկնում են միայն զլխավոր առանցքներով դասավորված նիստերի ուղղությունները, որոնցից յուրաքանչյուրի վրա էլ տեղավորված է սև լուսամուտ: Մեզ թվում է, որ այդ եզրաձևերից յուրաքանչյուրն ունի իր որոշակի նախադրյալները և նրանց առկայությունը ամենասերտ կերպով կապված է այն խնդիրների հետ, որոնք դրված էին ճարտարապետի առջև, տաճարի ինտերյուրի և էքստերյուրի մշակման ժամանակ: Հաստատապես կարելի է ասել, որ թմբուկի ներքին ութանիստ հորինվածքը ինքնին արդեն կանխորոշվել էր մաքուր տրոմպային փոխանցման առկայությամբ: Ինչ վերաբերում է արտաքին 12 նիստ ունեցող եզրաձևին, ապա կարելի է ենթադրել, որ այդ հորինվածքը ընդունվել է, ելնելով թմբուկի արտաքին արտահայտչականության պահանջներից: VII դարի հայկական ճարտարապետության մեջ քիչ օրինակներ չկան, երբ թմբուկի արտաքին եզրաձևը բնավ չի կրկնում նրա ներքին հորինվածքը: Նշենք Զվարթնոցը, Թարգմանչացը, Զորավարը, Իրինդը, որտեղ ներքին շրջագծային հորինվածքը պարփակված է եղել թմբուկի արտաքին բազմանիստ պատով: Սակայն պետք է նշել, որ այս բոլոր կառուցվածքներում փոխանցման զոտին կամ ամբողջապես առաջաստային է, կամ ներկայացնում է տրոմպային և առաջաստային ձևերի միահյուսում: Այն հուշարձաններում, որտեղ օգտագործվում էր մաքուր տրոմպային փոխանցման սխեման, թմբուկները որպես օրենք ներսից ունենում էին ութանիստ եզրանկար: Փոքր հուշարձաններում այդ եզրաձևը կրկնվում էր նաև արտաքին ձևերում, իսկ ավելի մեծ կառուցվածքներում թմբուկի նիստերը փոքրացնելու նպատակով անկյունային մասերում տեղավորում էին ոչ մեծ եռանկյունաձև խորշեր (Մասսարա, Գառնահովիտ): Սիսավանում օգտագործվել է մեկ այլ տարրերակ՝ ներքին ութանիստ հորինվածքը, որն այստեղ ընդգրկված է 12 նիստ ունեցող բազմանիստի մեջ: Դա հնարավորություն է տվել ստանալ համեմատաբար ոչ լայն նիստեր և հեշտորեն վերջիններս հաճելի համաչափություններ ունեցող խուլ կամարաշարքով: Սակայն եթե ներքին շրջագծային հորինվածք ունեցող թմբուկներում ոչինչ չէր խանգարում լուսամուտներ տեղավորել արտաքին եզրաձևի բոլոր նիստերի վրա, ապա այստեղ լուսամուտները կարող էին բացվել միայն զլխավոր առանցքներին ուղղահայաց դասավորված նիստերի վրա, որովհետև միայն այդ նիստերում էր, որ համընկնում էին ներքին ութանիստ և արտաքին 12 նիստ ունեցող եզրաձևերի նիստերի ուղղությունները: Այսպիսով պարզ է դառնում, որ նման լուծման ժամանակ լուսամուտների քանակը ոչ մի դեպքում չէր կարող չորսից ավելին լինել:

Թմբուկը ձևավորող դեկորատիվ կամարաշարքը որպես այդպիսին լավ հայտնի է նույն շրջանի նաև այլ հուշարձաններում, և շնորհիվ նիստերի համեմատաբար ոչ մեծ լայնությանը, բուն կամարաշարքն ունի բավականին ձգված համաչափություններ: Այստեղ առանձնապես ու-

շագրավ են անկյունագծային ուղղություներով դասավորված կիսասյուները, և, հատկապես, երանց բավականին մեծ բարձրությունը: Բանն այն է, որ արտաքինից ութանիստ թմբուկներ ունեցող հուշարձաններում գմբեթակիր թառակասիների անկյունային մասերի ծածկերը, որոնք հպվում են անեռունագծային երեսերին և կզմինդրյա ծածկի մամանակ ունենում զգալի բարձրություն (ինչպես այդ կարելի է տեսնել Կարմրավորի VII դարից մեզ հասած ծածկում) միանգամայն տրամաբանական են և կոնստրուկտիվ տեսակետից ոչ մի դժվարություն չեն ներկայացնում: Մինչդեռ 12 երես ունեցող թմբուկներում, որոնք ձևավորված էին խույ կամարաշարքով, նման լուծումը անշուշտ կառաջացներ զգալի դժվարություններ, որովհետև կամարաշարքի անկյունագծային ուղղությամբ դասավորված որմնասյուների զգալի մասը պարզապես կմնար անկյունային մասերի ծածկի տակ — մի բան, որը իր հերթին կրերևր կամարաշարքի ոխթմի կոպիտ խախտում:




Սիսավան. Կտրվածք արևմուտքից-արևելք

Այդ պատճառով էլ բնավ չի կարելի անսպասելի համարել, որ Սիսավանում, գմբեթակիր թառակասու անկյունային մասերը ծածկված են եղել ոչ թե կզմինդրով, այլ տուֆի հարթ սալերով: Բոլոր հիմքերը կան ենթադրելու, որ նման լուծում մամանակին եղել է նաև Բալինում: Եվ իսկապես, միայն բարե ծածկի ղեկքում է, որ հնարավոր էր ստանալ ծածկի այդ մասի այնքան փոքր թևքովությունը, ինչպիսին տեսնում ենք Սիսավանում: Այստեղ շարքային և անկյունագծային դասավորություններ ունեցող զույգ որմնասյուների խաբիսյաների մակարդակների միջև եղած տարբերությունը հավասար է բնղամներ 40 սմ-ի: Այսպիսով, Սիսավանի տաճարի

զմբեթակիր քառակուսու անկյունային մասերի ծածկերում քարի սալերի օգտագործման փաստը հնարավորություն է տալիս ենթադրելու, որ պատմական հաջորդ շրջանում, այն է՝ IX—X դարերում, քարի սալերի լայն օգտագործումը նախորդ պատմական շրջանում արդեն նախապատրաստված էր և քարի սալերը, որպես ծածկանյութ, լավ հայտնի էին առկազն VII դարի վերջում։ Մյուս կողմից պետք է նշել, որ կղմինդրի օգտագործումը նս շրենհատվեց միանգամից, և IX—X դարերում կառուցված մի շարք հուշարձաններ ծածկված են եղել ոչ թե սալերով, այլ կղմինդրով։

Ինչպես ելում է ն. Մառը, կղմինդրյա ծածկերի մնացորդները դեռևս պահպանվել էին և՛ Շիրակավանում, և՛ Օղուզլուում⁸— հուշարձաններ, երկուսն էլ կառուցված IX—X դարերի սահմանագծին։ Դատելով մոդելի ձևերից, կղմինդրյա ծածկ է ունեցել նաև Աղթամարի եկեղե-



Միսավան. հյուսիսային ճակատ

ցին և հետադաշում է միայն, որ այն փոխարինվել է քարով⁹։ Միսավանի տաճարում առանձնակի հետաքրքրություն է ներկայացնում նաև բացվածքների՝ ըստ բարձրության տեղաբաշխ-

⁸ Ն. Մառի արխիվ, ֆոնդ 800, գործ A.2618, էջ 183։

⁹ И. А. Орбели, О первоначальной форме купола Ахтамарского храма. Избранные труды, Ереван, 1963, էջ 222։

ման հարցը: Քանն այն է, որ եթե այլ հուշարձաններում լուսամուտների կորածն մասերի կենտրոնները սովորաբար համընկնում են կամարաշտրբերի կամարադեղների կենտրոնների հետ, ապա այստեղ նրանք դասավորված են տնհամեմատ ավելի ցածր բարձրության վրա: Մեր կարծիքով զա անշուշտ կապված է կամարաշարքին ավելի սլացիկ համաչափություններ տալու ձգտման հետ, որովհետև թմբուկի բարձրությունն ինքնին վերցրած մեծ չէր, և կամարադեղների կենտրոնների էլ ավելի իրեցումը կհանգեցներ կամարաշարքի խիստ ցածրանիստ, ծանր համաչափությունների: Երբ դիտում ենք կառուցվածքի կտրվածքը, ապա պարզ է դառնում, որ լուսամուտը ավելի բարձրացնել նարավոր չէր: Լուսամուտի կորագիծ եղբամասը համարյա թե գտնվում է գմբեթի կիսասֆերայի ներքևի սահմանի հարթության վրա, և հասկանալի է, որ լուսամուտի տվելի բարձր դասավորությանը կարելի էիններ հասնել միայն մխրճելով վերջինիս կորագիծ վերջավորությունը գմբեթի կիսասֆերայի մեջ—մի բան, որն անշուշտ չէր կարող թույլատրվել:

Թմբուկը պսակվում է ուժեղ ելուստ ունեցող և թերաղիւր մասում հյուսվածո զարդաձևերով մշակված քիվով, որն իր ձևերով հար և նման է տաճարի մյուս մասերի քիվերին: Այստեղ առանձնակի հետաքրքրություն են ներկայացնում տաճարի զլիսավոր առանցքների ուղղություններով, քիվերի թերաղիւր մասերի վրա տեղավորված շորս ավետարանիչների բավականին ուժեղ ելուստ ունեցող պատկերաքանդակները: Արևելյան ճակատում պատկերված է 'Դուկասը, արևմտյան ճակատում՝ Մարկոսը, հյուսիսային ճակատում՝ Հովհաննեսը, իսկ հարավային ճակատում՝ Մատթեոսը:

Բարձրաքանդակները մշակված են համանման—բոլոր տեղերում էլ ավետարանիչները աչ ձևերը բարձրացրել են մինչև ուսի հարթությունը և մատերը ծալել սրհնելու համար, իսկ ձախ ձևերում բռնած ունեն ավետարանները: Քիվերի վրա բարձրաքանդակներ տեղավորելը լավ հայտնի է VII դարում—նշենք Ջրվեժի 1958 թ. պեղումների ժամանակ հայտնաբերված VII դարին պատկանող մի անշուշտ կառուցվածքի քիվի բսկորը, որի վրա պատկերված է խաչին երկրպագող կնոջ կերպարանք¹⁰:

Ինչ վերաբերում է կառուցվածքի ղեկորատիվ ձևերին (ոլորազարդ խոյակներ, լուսամուտների և խորշերի պսակներ), ապա դրանք բոլորն էլ իրենց ձևերով հարազատ են հայ ճարտարապետությանը: Նույն այդ շրջանին: Այսպես, Գրիսակ, ոլորազարդ խոյակները հայտնի են և 'Շտղերում, և՛ Ջրվեժում: Ուժեղ ելուստ ունեցող քիվերը, մշակված հյուսվածո զարդաձևերով, հայտնի են VII դարի բազմաթիվ հուշարձաններում (Զվարթնոց, Թալին, Արուճ, Զորավար և այլն), լուսամուտների պսակներում հանդիպող հորիզոնական նշազարդերը՝ Գայանեում, Զվարթնոցում, Թալինում, խաղողի որթի զայրուտ զարդաձևերը VII դարի բազմաթիվ հուշարձաններում և այլն: Սակայն դրա հետ միասին այստեղ հանդիպում ենք նաև մի շարք յուրահատուկ, հաջող մշակված մոտիվների, որոնցից առանձնակի աչքի է ընկնում արևելյան ճակատի խորշերի պսակները ձևավորող նույն զարդամոտիվը:

Տաճարի շինարարությանը մասնակցել է նաև քանդակագործ վարպետներ. անշուշտ միայն մասնագիտական բարձր պատրաստականություն ունեցող վարպետները կարող էին ստեղծել այն հիանալի պատկերաքանդակներ, որոնք տեսնում ենք և՛ հարավային ու արևմտյան ճակատների խորշերի մեջ, և՛ տաճարի ներսում, փոքր արժույթների շարքում: Իժվար չէ հասկանալ, որ այստեղ մենք գործ ունենք իսկապես բարձրարվեստ, գեղարվեստական մեծարժեք կերտվածքների հետ, որոնք իրենց ուրույն տեղը պիտի ունենան հայ արվեստի պատմության մեջ: Մյուս կողմից, այդ բարձրաքանդակները մեծ հետաքրքրություն են ներկայացնում շնորհիվ այն մակագրությունների, որոնք կան նրանց վրա և որոնք հնարավորություն են տալիս պարզելու պատկերված անձանց ով լինելը—մի հանգամանք, որն իր հերթին հնարավորություն է տալիս ճշտելու տաճարի թվագրությունը:

Մեզ հետաքրքրող բարձրաքանդակները տեղավորված են տաճարի ներսում, ութանիստ թրմբուկի վերին եզրին, փոքր տրոմպների շարքում: Համաձայն Նրանց վրա եղած մակագրությունների, հյուսիս-արևելյան փոքր տրոմպի մեջ պատկերված է Սյունյաց տեր 'Կոհազատ իշխանը. նրանից ձախ՝ Թեոդորոս վանականը, իսկ դեպի աջ՝ Սյունյաց Հովսեփ եպիսկոպոսը¹²: Այդ բարձրաքանդակների շարքում առանձնուպես տպավորիչ է 'Կոհազատ իշխանի պատկերաքանդակը: Իշխանը ներկայացված է աղոթողի դիրքով, ձևերը պարզած դեպի արևելք: Շատ ար-

¹⁰ Н. М. Токарский, Джрвез I, Ереван, 1959, էջ 32:

¹¹ Նույն տեղում, էջ 13:

¹² Ստ. Մնացականյան, Սիսականի պատկերաքանդակները և տաճարի կառուցման ժամանակը, ՀՍՍՐ ԳԱ «Տեղեկագիր» (հաս. գիտ.), 1961, № 10:

տաճարային ին նշանակալից արտահայտությունն է, որի մասին ինքնին չենք կարողանում ասել, որ քանդակագործը արվեստի V—VII դարերի անխտիր բոլոր հուշարձանների շարքում այս պատկերաքանդակը առանձնակի տեղ է գրավում և նրա հիման վրա նախադրվում է պատկերացնել այն բարձր աստիճանը, որին հասել էին հայ քանդակագործները։ Մյուս բոլոր հուշարձանները կամ միտումնավոր կերպով ազդեցություն են (տաշված են հատկապես դեմքերը) և կամ հողմնահարվել են, կորցրել իրենց սկզբնական ձևերի արտահայտիչ գծերը։ Այս վերաբերում է նույն Սիսավանի տաճարում, Կոհնգատ իշխանի պատկերաքանդակից աչք և ձախ դասավորված մյուս պատկերաքանդակներին, որոնցից հատկապես Ղուսեփ Եպիսկոպոսին պատկերող քանդակը զգալիորեն հողմնահարված է և մի մասն էլ նույնիսկ խիստ վնասված։ Բացի այս երեք լանդշաֆտից, Սիսավանի տաճարի արևմտյան պատի վրա կարելի է տեսնել մեկ այլ բարձրաքանդակի մնացորդները—այնտեղ պատկերված է Կղև տմբողջ հասակով կանգնած, վերաբերված գլխարկը գլխին մի հոգևորական, որի պատկերաքանդակից դժբախտաբար մնացել են միայն եզրագծերը, այնքան կոպիտ ձևով տաշված է այն։ Սակայն միանգամայն անապատ է մնացել նրա մոտ եղած մակագրությունը, որից պարզ է դառնում, որ այստեղ պատկերված է Եղև Ղուսեփ Եպիսկոպոսը։ Մակագրությունը, սկսվելով բուն պատկերաքանդակի քարի վրա, շարունակվում է դեպի աչք և տեղ գտնում պատի շարքերի վրա, ընդ որում, կասկած չի մնում, որ պատկերաքանդակն ամբողջությամբ տեղադրվել է այստեղ հետագայում, երբ պատի շարվածքը վաղուց արդեն կար։ Մեր նպատակը չէ հանգամանորեն վերլուծել այդ պատկերաքանդակները։ Այստեղ մենք բավարարվում ենք հիշատակելով միայն, որ այդ պատկերաքանդակների մոտ եղած մակագրությունները մեծապես օգնում են տաճարի թվագրությունը հշտելուն—մի բան, որը մինչև վերջերս էլ վեճերի առարկա էր, և տաճարի կառուցման տարեթիվը տատանվում էր երկու դարի սահմաններում։ Դառնանք այդ մակագրություններին։

Սյունյաց Կոհնգատ իշխանը չի հիշատակվում պատմիչների մոտ և հայտնի է միայն այս պատկերաքանդակից¹³։ Սակայն դրա փոխարեն լավ հայտնի է Սյունյաց Ղուսեփ Ա Եպիսկոպոսի գործունեության ժամանակը, որը, ըստ Ստեփանոս Սրբելյանի, գործել է 670—689 թթ. ընթացքում։ Ինչ վերաբերում է երրորդ բարձրաքանդակին, որտեղ պատկերված է Թեոդորոս վանականը, ապա մեր կարծիքով այն ներկայացնում է VII դարի երկրորդ կեսի հայտնի աստվածաբան Թեոդորոս Քոթեմազյանին, որն իր ուսումը ստացել է Սյունյաց զպրոցում և չէր խզել իր կապերը Սյունիքի հետ նաև հետագայում։ Ըստ Հ. Աճառյանի, նա մահացել է 680 թ.¹⁴ Իսկ այն հանգամանքը, որ տաճարի արևմտյան պատին պատկերված է Ղուսեփ Եպիսկոպոսի պատկերաքանդակը (ընդ որում այն ազդեցված է այստեղ հետագայում, սակայն ոչ ուշ VII դարից—այդ են վկայում նրա մոտ եղած մակագրության տառաձևերը), նախադրություն է տալիս ենթադրելու, որ այստեղ պատկերված է ոչ այլ որ, քան Ղուսեփ Ա Եպիսկոպոսին հաջորդող Ղուսեփ Կոհնգատը, որը և ամենայն հավանականությամբ շարունակել և ավարտել է Ղուսեփ Ա-ի կողմից կառուցվող տաճարը և հենց դրա համար էլ արժանացել այդ բարձր պատվին։ Կարելի է ենթադրել, որ Ղուսեփ Ա Եպիսկոպոսը տաճարի շինարարությունը հասցրել էր մինչև փոքր տրամաները, և այստեղ էլ վրա էր հասել նրա մահը։ Աշխատանքները շարունակել էր գլխավորել Ղուսեփ Կոհնգատը, որը և ամենայն հավանականությամբ ավարտել էր այն 690—691 թթ. ընթացքում։

Բացի վերոհիշյալ պատկերաքանդակներից, տաճարի հարավային և արևմտյան ճակատների խորշերի մեջ, նրանց վերին անկյուններում առկա են մի քանի, դժբախտաբար խիստ հողմնահարված, պատկերաքանդակներ—դրանք համարյա թե կոտրված քանդակներ են, դասավորված եռանկյուն խորշերը ծածկող տրոմպերի խորքում։ Այն հանգամանքը, որ այստեղ պատկերված անձինք չունեն լուսապսակներ, վկայում է, որ այստեղ ներկայացված են աշխարհիկ անձինք, թեև համապատասխան մակագրությունների բացակայությունը հնարավորություն չի տալիս որոշելու նրանց ով լինելը։ Սակայն զիջելով, որ այստեղ ևս քանդակագործները ձգտել են հասնելու դիմանկարային նմանության, այնքան տարբեր, այնքան յուրահատուկ արտահայտչականություն ունեն նրանք։ Բացառված չէ, որ այստեղ պատկերված են հենց այն իշխանները, որոնք այս կամ այն ձևով օժանդակել են զգալի միջոցներ պահանջող այս տաճարի շինարարությունը գործին։

13 Հ. Աճառյան, Հայոց անձնանունների բառարան, հատ. 2, Երևան, 1944, էջ 643։

14 Նույն տեղում, էջ 299։

Սիսավանի տաճարը քաջի է ընկնում իր համաչափությունների հստակությամբ և միասնականությամբ։ Ըստ իր ճարտարապետական հորինվածքի տաճարը պատկանում է հայ ճարտարապետության մեջ զենակ մեկ դար առաջ հայտնի այն ուղադրված հորինվածքների թվին, որոնց նախակարապետն էր VI դարի վերջին կառուցված Ավանի տաճարը։ VII դարի ընթացքում այդ տիպը մարմնավորվեց այնպիսի հանգուցային հուշարձաններով, ինչպիսիք են Հոփսիմեն, Քարդմանյացը, Գառնահովիտը։ VII դարի բազմաթիվ այլ հորինվածքների մեջ այս տիպը աչքի է ընկնում համամասնությունների արտակարգ տրամաբանական միասնությամբ և այստեղ պարզապես հնարավոր չէ ոչինչ ավելացնել և ոչ էլ պակասեցնել։ Սակայն այդ ընթացիկ չի նշանակում ստեղծագործական որոնումների քարացում — դրա առավել ցայտուն օրինակն է մեզ հետաքրքրող Սիսավանի տաճարը, որի ձևերը բնավ էլ կրկնություն չեն և նրա բոլոր տարրերը մշակված են հստակ տրամաբանությամբ։ Հանդիսանալով V—VII դարերի ճարտարապետական մեծ վերելքի ամենավերջին ներկայացուցիչներից մեկը, այն հնարավորություն է տալիս հստակ կերպով պատկերացնելու հայ դասական ճարտարապետության անցած ամբողջ ուղին, նշմարել նրա վերջին սահմանագիծը։ Նրանից հետո, VIII դարի սկզբից, հայ ճարտարապետական արվեստի բուռն զարգացումը արհեստականորեն ընդհատվեց, և արարական ծանր լծի տակ մոտ երկու դար կանգ առավ ամբողջ մոնումենտալ շինարարությունը։ Խիստ հատկանշական է, որ հայ ճարտարապետության VI—VII դդ. հնազույն թվագրված կառուցվածքը՝ Ավանի տաճարը և նույն դարաշրջանի թվագրված ամենավերջին կառուցվածքը՝ Սիսավանի տաճարը, կառուցված են միևնույն ճարտարապետական ոճի, միևնույն ծավալային կոմպոզիցիայի հիման վրա, մի կոմպոզիցիա, որն այնքան յուրահատուկ, այնքան հարազատ էր այդ շրջանի ամբողջ հայ ճարտարապետական մշակույթին և կարծես իր մեջ էր մարմնավորել նրա առավել յուրահատուկ կողմերն ու մեծագույն նվաճումները։